

სახელმწიფო შესყიდვის შესახებ ხელშეკრულება N04/41

ბრალდებულთა და მსჯავრდებულთა ეკვივალენტური სამედიცინო მომსახურების უზრუნველყოფა 26.02.02
გამარტივებული შესყიდვა

ქ. თბილისი

20 აპრილი 2022 წელი

ერთი მხრივ, საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახური (შემდგომში „შემსყიდველი“) წარმოდგენილი ეკონომიკური დეპარტამენტის უფროსის - იულია ტყემელაშვილის სახით და მეორე მხრივ, შპს „დენტალ სთარი“ (შემდგომში „მიმწოდებელი“) წარმოდგენილი დირექტორის - მაია ჩიტაძის სახით, ორმხრივი შეთანხმების საფუძველზე, სახელმწიფო შესყიდვების შესახებ საქართველოს კანონის მე-10¹ მუხლის მე-3 პუნქტის „დ“ ქვეპუნქტის, საქართველოს მთავრობის 2021 წლის 14 დეკემბრის N2223 განკარგულების საფუძველზე ვდებთ ხელშეკრულებას შემდეგ ზე: (SMP210003259, 2022 წლის 20 აპრილის N01/119353 მოხსენებითი ბარათი).

1. ხელშეკრულების საგანი

- 1.1. ხელშეკრულების საგანს წარმოადგენს პენიტენციურ დაწესებულებებში (შემდგომ ტექსტში - „პენიტენციური დაწესებულება“) განთავსებულ ბრალდებულთათვის/მსჯავრდებულთათვის (შემდგომში - „ბრალდებული/მსჯავრდებული“) ორთოპედ-სტომატოლოგიური და ორთოპედ-სტომატოლოგიური ლაბორატორიული მომსახურებების შესყიდვა (CPV კოდი - 85100000 ჯანდაცვის სფეროს მომსახურებები, 85130000 სტომატოლოგიური და მასთან დაკავშირებული მომსახურებები).

2. შესყიდვის ობიექტი

- 2.1. შესყიდვის ობიექტია პენიტენციურ დაწესებულებებში განთავსებულ ბრალდებულთათვის/მსჯავრდებულთათვის ორთოპედ-სტომატოლოგიური და ორთოპედ-სტომატოლოგიური ლაბორატორიული მომსახურებების გაწევა.

3. ხელშეკრულების საერთო ღირებულება

- 3.1. ხელშეკრულების საერთო ღირებულება შეადგენს: **60 000.00 ლარს (სამოცი ათასი ლარი და 00 თეთრი).**
- 3.2. შესყიდვის ობიექტის (მომსახურება) ერთეულის ფასები განსაზღვრულია დანართი N1-ით, რომელიც წარმოადგენს ხელშეკრულების განუყოფელ ნაწილს.
- 3.3. ხელშეკრულების 3.1. პუნქტში აღნიშნულ თანხაში შედის საქართველოს კანონმდებლობით გათვალისწინებული ყველა შესაბამისი გადასახადი.

4. მომსახურების ხარისხი და გარანტია

- 4.1. მიმწოდებელი იძლევა გარანტიას, დროული, ადეკვატური, კვალიფიციური და ხარისხიანი მომსახურების გაწევის შესახებ.
- 4.2. მიმწოდებელმა მომსახურება უნდა გასწიოს შემდეგ მისამართზე: **N5 პენიტენციური დაწესებულება** - გარდაბნის მუნიციპალიტეტი, სოფელი მთისძირი, **N6 პენიტენციური დაწესებულება** - გარდაბნის მუნიციპალიტეტი, სოფელი მთისძირი, **N8 პენიტენციური დაწესებულება** - ქ. თბილისი, გლდანის მე-7 მ/რ, მე-2 კმ ქ. თბილისი, აბუსერიძე-ტბელის ქ.№11, **N 10 პენიტენციური დაწესებულება** - მცხეთის მუნიციპალიტეტი, სოფელი ქსანი, **N11 პენიტენციური დაწესებულება** - ქ. თბილისი, გრ. ხანძთელის ქ. N3, **N12 პენიტენციური დაწესებულება** - ქ. რუსთავი, მშენებელთა ქ. N60, **N15 პენიტენციური დაწესებულება** - მცხეთის მუნიციპალიტეტი, დაბა ქსანი, **N16 პენიტენციური დაწესებულება** - ქ. რუსთავი, მშენებელთა ქ. N60, **N17 პენიტენციური დაწესებულება** ქ. რუსთავი, მშენებელთა ქ. 64, **N18 პენიტენციური დაწესებულება** - ქ. თბილისი, გლდანის მე-7 მ/რ, მე-2 კმ, მცხეთის მუნიციპალიტეტი, სოფელი ქსანი.

5. მომსახურების მიღება-ჩაბარების წესი

- 5.1. მომსახურების მიღება ფორმდება მიღება-ჩაბარების აქტის საფუძველზე, მომსახურების გაწევის დამადასტურებელი დოკუმენტაციის წარმოდგენის შემდგომ. კერძოდ: გამარტივებული ანგარიშვაქტურა (ინვოისი), გაწეული მომსახურების ჩამონათვალი განფასებით/კალკულაციით და მიღება-ჩაბარების აქტის პროექტი.
- 5.2. მიღება-ჩაბარების აქტის პროექტი და საჭირო დოკუმენტაცია მიმწოდებელმა უნდა წარუდგინოს შემსყიდველს (სამედიცინო დეპარტამენტს) ყოველთვიურად, არაუგვიანეს შესრულებული სამუშაოს თვის (საანგარიშო თვე) მომდევნო თვის 10 რიცხვისა, შემდეგ მისამართზე: ქ. თბილისი, ზ. ანჯაფარიძის ქ. N27.

- 5.3. მიღება-ჩაბარების აქტს შემსყიდველის მხრიდან ხელს აწერს საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახურის გენერალური დირექტორის ბრძანებით განსაზღვრული პირი, ხოლო მიმწოდებლის მხრიდან დირექტორი ან მის მიერ საამისოდ უფლებამოსილი პირი.
- 5.4. სამედიცინო დეპარტამენტის სპეციალიზებული სამედიცინო სერვისების სამმართველოს (შემდგომში - სამმართველო) მოსამსახურე, ამ ხელშეკრულების 5.1 პუნქტით განსაზღვრული დოკუმენტაციის მიღებიდან **30 კალენდარული დღის** ვადაში ამოწმებს წარმოდგენილი დოკუმენტაციის შესაბამისობას ამ ხელშეკრულებით დადგენილ პირობებთან (წარმოდგენილი დოკუმენტაციის შესაბამისობას პაციენტისთვის მიწოდებულ სამედიცინო მომსახურებასთან) და ამავე ვადაში უზრუნველყოფს მიღება-ჩაბარების აქტის პროექტის წარდგენას უფლებამოსილი პირისთვის. მიღება-ჩაბარების აქტის პროექტს ამ ხელშეკრულების 5.4 პუნქტით განსაზღვრული უფლებამოსილი პირი ხელს აწერს მისი წარდგენიდან **არაუგვიანეს 5 სამუშაო დღისა**.
- 5.5. სამმართველოს მოსამსახურე ამ ხელშეკრულების 5.4. პუნქტით განსაზღვრული შემოწმების განხორციელებისას, ტექნიკური ხარვეზის აღმოჩენისას მიმწოდებელს წერილობით განუსაზღვრავს **7 სამუშაო დღიან** ვადას ხარვეზის აღმოსაფხვრელად. სამმართველო **7 სამუშაო დღის ვადაში** ამოწმებს ხელახლა წარმოდგენილი დოკუმენტაციის შესაბამისობას. ხარვეზის აღმოუფხვრელობის შემთხვევაში, გაწეული მომსახურების ღირებულება არ ანაზღაურდება. ასევე არ ანაზღაურდება შემთხვევა როდესაც მიმწოდებლის მიერ ხარვეზის გასწორების შემდგომ დაფიქსირდა ახალი ხარვეზი, გარდა ისეთი ხარვეზისა, რაც არ ყოფილა შემსყიდველის მხრიდან აღმოჩენილი პირველადი დახარვეზების დროს, რისთვისაც განუსაზღვრავს **3 სამუშაო დღიან** ვადას. სამმართველო **7 სამუშაო დღის ვადაში** ამოწმებს ხელახლა წარმოდგენილი დოკუმენტაციის შესაბამისობას.
- 5.6. სამმართველოს მოსამსახურე ამ ხელშეკრულების 5.4. პუნქტით განსაზღვრული შემოწმების განხორციელებისას არატექნიკური ხასიათის დარღვევის აღმოჩენისას, წერილობით ინფორმაციას აწვდის ინსპექტირების ჯგუფს შემდგომი რეაგირებისათვის, რომლის აქტის საფუძველზე შემსყიდველი იღებს საბოლოო გადაწყვეტილებას მიღება-ჩაბარების აქტის გაფორმებასა და ანგარიშსწორებასთან დაკავშირებით.

6. ანგარიშსწორების პირობები

- 6.1. ხელშეკრულებით განსაზღვრული მომსახურების ანაზღაურება მოხდება უნაღდო ანგარიშსწორების ფორმით ეროვნულ ვალუტაში.
- 6.2. ანგარიშსწორება საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახურის მიერ განხორციელდება დანართი N1-ით განსაზღვრული პრეისკურანტის ფასების შესაბამისად.
- 6.3. ანგარიშსწორება საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახურის მიერ განხორციელდება მიმწოდებლის მიერ მიღება-ჩაბარების აქტის გაფორმებიდან: **10 სამუშაო დღის** ვადაში.
დაფინანსების წყარო: სახელმწიფო ბიუჯეტი.

7. მხარეთა უფლება-მოვალეობანი

- 7.1. **შემსყიდველს უფლება აქვს:**
 ა) შეამოწმოს, სამედიცინო დაწესებულების მიერ წარმოდგენილ დოკუმენტაციაში არსებული სამედიცინო მომსახურების განფასების შესაბამისობა და მითითებული ფასების თანხედრა ხელშეკრულების დანართი N1-ში მითითებულ ფასებთან მიმართებაში, ასევე რამდენად სათანადოდ იქნა მომსახურება გაწეული სამედიცინო დაწესებულების მიერ, როგორც მომსახურების გაწევის დროს, ისე ამ ხელშეკრულების მოქმედებისა და ხელშეკრულებით გათვალისწინებული ურთიერთვალდებულებების არსებობის პერიოდში ნებისმიერ დროს.
 ბ) არ აუნაზღაუროს მიმწოდებელს გაწეული სამედიცინო მომსახურების ღირებულება, იმ შემთხვევაში, თუ მის მიერ დოკუმენტაცია არ იქნა წარმოდგენილი ხელშეკრულებით დადგენილი წესის შესაბამისად, **საანგარიშგებო თვის დასრულებიდან 2 თვის** ვადაში;
- 7.2. **შემსყიდველი ვალდებულია:**
 ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- 7.3. **მიმწოდებელს უფლება აქვს:**
 ა) მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;
 ბ) უარი თქვას მომსახურების გაწევაზე, თუ კონკრეტულ შემთხვევაში არ ექნება სათანადო რესურსი სამედიცინო მანიპულაციის განსახორციელებლად (აღნიშნული ფაქტის დადგომის შემთხვევაში, მიმწოდებელი წერილობით დაუდასტურებს შემსყიდველს მითითებულ ფაქტს 3 სამუშაო დღის ვადაში).
- 7.4. **მიმწოდებელი ვალდებულია:**
 ა) ხელშეკრულების ძალაში შესვლის მომენტიდან უზრუნველყოს შესაბამისი მომსახურების გაწევა შემსყიდველის მოთხოვნისთანავე, ამასთან, ყოველ კონკრეტულ შემთხვევაში, მომსახურების თითოეული ეპიზოდის დასრულება უნდა მოხდეს **მომსახურების დაწყებიდან/პაციენტთა პირველი ვიზიტიდან არაუგვიანეს 3 თვისა (90 დღე)**.

- ბ) მომსახურება გასწიოს ხელშეკრულების თავში მითითებული თარიღიდან **2022 წლის 31 დეკემბრის** ჩათვლით;
- გ) ხელშეკრულების მოქმედების პერიოდში შემსყიდველის მოთხოვნისთანავე, გაუწიოს სპეციალური პენიტენციური სამსახურის პენიტენციურ დაწესებულებაში განთავსებულ ბრალდებულებს/მსჯავრდებულებს პროფილის ფარგლებში სპეციალისტის სტომატოლოგიურ-ორთოპედიული ლაბორატორიული მომსახურება .
- დ) მომსახურება გაუწიოს შემსყიდველს, ხელშეკრულებით და დანართი N1-ით გათვალისწინებული პირობების შესაბამისად;
- ე) მომსახურების გაწევისას დაიცვას ხელშეკრულებით და დანართი N1-ით გათვალისწინებული ყველა პირობა;
- ვ) სტომატოლოგიურ-ორთოპედიული ლაბორატორიული მომსახურების (გაწერის) შემდგომ პერიოდში, მედიკამენტების დანიშვნის დროს უპირატესად იხელმძღვანელოს **საქართველოს იუსტიციის მინისტრის 2019 წლის 15 თებერვლის N381 ბრძანებით დამტკიცებული „პენიტენციურ დაწესებულებაში სამედიცინო მომსახურების სტანდარტების, სპეციფიკური საჭიროებების მქონე პირთა სამედიცინო მომსახურების დამატებითი სტანდარტების, პენიტენციურ დაწესებულებაში პრევენციული მომსახურების პაკეტისა და პენიტენციური სისტემის ჯანდაცვის ბაზისური მედიკამენტების ნუსხით“**; სხვა მედიკამენტის დანიშვნის შემთხვევაში, რომელიც არ შედის აღნიშნულ ნუსხაში, შემსყიდველს უფლება აქვს, მიმწოდებელს მოსთხოვოს წერილობითი დასაბუთება ამ მედიკამენტის დანიშვნის აუცილებლობის თაობაზე;
- ზ) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ;
- თ) განახორციელოს ხელშეკრულების ფარგლებში გახარჯული თანხისა და ნაშთის კონტროლი და აღნიშნული ინფორმაცია მიაწოდოს შემსყიდველს, ხელშეკრულების ჯამური ღირებულების 90%-ის ამოწურვის შემთხვევაში, ელექტრონული ფოსტის მეშვეობით (medical@sps.gov.ge);

8. მხარეთა პასუხისმგებლობა ხელშეკრულების დარღვევისას

- 8.1. მიმწოდებლის მიერ ბრალდებულთა/მსჯავრდებულთათვის ორთოპედიულ-სტომატოლოგიური ლაბორატორიული მომსახურებების შეუსრულებლობის ან/და ხელშეკრულების არაჯეროვნად შესრულების შემთხვევაში, მიმწოდებელს ეკისრება პირგასამტეხლო კონკრეტულ შემთხვევაში **გასაწევი/გაწეული მომსახურების 20 %-ის** ოდენობით.
- 8.2. მიმწოდებლის მიერ ხელშეკრულების 5.2 პუნქტში მითითებული ვადის დარღვევის შემთხვევაში ეკისრება პირგასამტეხლო კონკრეტულ შემთხვევაში **გასაწევი/გაწეული მომსახურების 10 %-ის** ოდენობით.
- 8.3. მიმწოდებლის მხრიდან სამედიცინო დოკუმენტაციაში არასწორი მონაცემების მითითების შემთხვევაში (გარდა 5.5. პუნქტით განსაზღვრული ტექნიკური ხარვეზისა), მიმწოდებელს ეკისრება პირგასამტეხლო **გაწეული/გასაწევი მომსახურების ეპიზოდის 10 %-ის** ოდენობით.
- 8.4. იმ შემთხვევაში, თუ პირგასამტეხლოს ჯამური თანხა ხელშეკრულების მოქმედების პერიოდში გადააჭარბებს **ხელშეკრულების ღირებულების 10%-ს**, მხარეებს უფლება აქვთ შეწყვიტონ ხელშეკრულება.
- 8.5. მიმწოდებლის მიერ ხელშეკრულების 7.4 „ა“ ქვეპუნქტით გათვალისწინებული ვადების დარღვევის შემთხვევაში, მიმწოდებელს დაეკისრება პირგასამტეხლოს გადახდა **გასაწევი მომსახურების 0,5%-ის** ოდენობით ყოველ ვადაგადაცილებულ დღეზე გაანგარიშებით.

9. ხელშეკრულების მოქმედების ვადა

- 9.1. ხელშეკრულების მოქმედების ვადა განისაზღვრება მხარეთა შორის წარმოშობილ სამართლებრივ ურთიერთობებზე ხელშეკრულების თავში მითითებული თარიღიდან და ძალაშია **2023 წლის 31 მარტის** ჩათვლით.
- 9.2. ხელშეკრულების მოქმედება ვრცელდება, როგორც ხელშეკრულების ფარგლებში დაწყებულ, ისე ხელშეკრულების ფარგლებში დაწყებულ და დასრულებულ, ასევე, ხელშეკრულების ფარგლებში დასრულებულ შემთხვევებზე.

10. ხელშეკრულების პირობების გადასინჯვა და ცვლილებების შეტანა

- 10.1. წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 10.2. ხელშეკრულების დამდებ არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 10.3. ხელშეკრულებაში ნებისმიერი ცვლილება დაიშვება მხოლოდ მხარეთა წერილობითი შეთანხმებით.
- 10.4. თუ ხელშეკრულების პირობების შეცვლის აუცილებლობა წარმოიშობა წინასწარ გაუთვალისწინებელი მიზეზების გამო, ცვლილებების შეტანის ინიციატორი ვალდებულია წერილობით შეატყობინოს მეორე მხარეს ნებისმიერი ინფორმაცია ცვლილების შესახებ. ცვლილება ხელშეკრულებაში შეტანილად ჩაითვლება ორივე მხარის მიერ ხელშეკრულების ცვლილებაზე/შეთანხმებაზე ხელმოწერის დღიდან.

10.5. ხელშეკრულებაში ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

11. დაუძლეველი ძალა (ფორს-მაჟორი)

- 11.1. მხარეები არ არიან პასუხისმგებელი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები, საომარი მოქმედებები, საქონლის ან/და მომსახურების მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, თუ ისინი უშუალო ზემოქმედებას ახდენენ ხელშეკრულების შესრულებაზე, ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.
- 11.2. ფორს-მაჟორული გარემოებების დადგომის შემთხვევაში, ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.
- 11.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა „11.1“ პუნქტიდან გამომდინარე სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 11.4. ფორს-მაჟორული გარემოების არსებობა დადასტურებული უნდა იყოს საამისოდ უფლებამოსილი სახელმწიფო ორგანოს/ორგანოების მიერ.

12. ხელშეკრულების ინსპექტირების პირობები

- 12.1. მომსახურების გაწევის შემდეგ (ან შესრულების პარალელურად) შემსყიდველი უფლებამოსილია განახორციელოს გაწეული მომსახურების ინსპექტირება, გარდა გაწეული სამედიცინო მომსახურების ხარისხისა.
- 12.2. ინსპექტირების განხორციელების შემდგომ დგება ინსპექტირების აქტი. ინსპექტირების აქტში მითითებული უნდა იყოს გაწეული მომსახურების დასახელება, ღირებულება, ინსპექტირებისას აღმოჩენილი დარღვევები.
- 12.3. ინსპექტირებისას გამოვლენილი დარღვევების შემთხვევაში, შემსყიდველი აცნობებს მიმწოდებელს გამოვლენილი დარღვევების შესახებ, რომელიც ვალდებულია, დაუყოვნებლივ აღმოფხვრას დარღვევა საკუთარი ხარჯით.
- 12.4. ინსპექტირების აქტის საფუძველზე თუ არსებობს ვარაუდი სამედიცინო მომსახურების უხარისხოდ გაწევასთან დაკავშირებით, შემსყიდველს უფლება აქვს, ინფორმაცია მიაწოდოს სსიპ - სამედიცინო და ფარმაცევტული საქმიანობის რეგულირების სააგენტოს, ასევე, საჭიროების შემთხვევაში, მიმართოს სსიპ - აკად. ლევან სამხარაულის სახელობის სასამართლო ექსპერტიზის ეროვნულ ბიუროს. დარღვევის დადასტურების შემთხვევაში, ექსპერტიზის ხარჯებს ანაზღაურებს მიმწოდებელი.
- 12.5. ხელშეკრულებაზე ინსპექტირების განმხორციელებელი პირების ვინაობა განისაზღვრება სპეციალური პენიტენციური სამსახურის გენერალური დირექტორის ბრძანებით.

13. ხელშეკრულების შეწყვეტა

- 13.1. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის წერილობითი შეტყობინების შემდეგ იმ შემთხვევაში, თუ:
- ა) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
 - ბ) შემსყიდველისათვის ცნობილი გახდა, რომ მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - გ) მიმწოდებელი ხელშეკრულებით გათვალისწინებულ პირობებს არღვევს სისტემატიურად;
 - დ) ხელშეკრულების ვადის გასვლის საფუძველზე.
- 13.2. ხელშეკრულების შეწყვეტა ასევე შესაძლებელია ურთიერთშეთანხმების საფუძველზე.
- 13.3. მიმწოდებელი უფლებამოსილია ცალმხრივად, 14 დღით ადრე წერილობითი შეტყობინების საფუძველზე შეწყვიტოს ხელშეკრულება იმ შემთხვევაში, თუ წინამდებარე ხელშეკრულებით ნაკისრი ვალდებულებების შესრულება დააზიანებს მის ახლად გამოვლენილ ინტერესებს.
- 13.4. ხელშეკრულების ცალკეული პირობის მოქმედების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

14. დავები და მათი გადაწყვეტის წესი

- 14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნეს მოლაპარაკების გზით.
- 14.2. შეთანხმების მიუღწევლობის შემთხვევაში, მხარეები მიმართავენ სასამართლოს კანონმდებლობის შესაბამისად.

15. ხელშეკრულების სხვა პირობები

- 15.1. მხარეები აუნაზღაურებენ ერთმანეთს მიყენებულ ზიანს, საქართველოს კანონმდებლობის შესაბამისად.
- 15.2. არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.
- 15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 15.4. ამ ხელშეკრულებით გაუთვალისწინებელი საკითხები განისაზღვრება მოქმედი კანონმდებლობის მოთხოვნათა შესაბამისად.
- 15.5. ხელშეკრულება შედგენილია ქართულ ენაზე, ელექტრონულად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 15.6. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

16. მხარეთა რეკვიზიტები

შემსყიდველი	მიმწოდებელი
<p>საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახური</p> <p>მის: ქ. თბილისი, ზ. ანჯაფარიძის ქ. N27, საიდენტიფიკაციო კოდი: 205360223, სახელმწიფო ხაზინა კოდი: TRESGE22, ა/ა GE24NB0330100200165022</p> <p>ეკონომიკური დეპარტამენტის უფროსი</p>	<p>შპს „დენტალ სთარი“</p> <p>მის: ქ. თბილისი, ბარნოვის ქ. N75 საიდენტიფიკაციო: 402003265 საბანკო რეკვიზიტები: სს „თიბისი ბანკი“ ბანკის კოდი: TBCBGE22 ა/ა GE23TB7375736080100004</p> <p>დირექტორი</p>
/იულია ტყეშელაშვილი/	/მაია ჩიტაძე/

შპს „დენტალ სთარი“

პრეისკურანტი

N	მომსახურების დასახელება	ერთეული	ერთეულის ფასი (ლარი)
1	მთლიანი და ნაწილობრივ მოსასხსნელი პროთეზი	1 ყბა	160
2	მოსასხსნელ ფირფიტოვან პროთეზზე ერთი ერთეულის ჩამატება	1 კბილი	25
3	მიკროპროთეზი	1 კბილი	50
4	მიკროპროთეზი	2 კბილი	60
5	გატეხილი პროთეზის შეკეთება	1 ერთეული	25



სპეციალური პენიტენციური სამსახურის გენერალურ დირექტორს,
ბატონ ნიკა ცხვარაშვილს

სპეციალური პენიტენციური სამსახურის სამედიცინო დეპარტამენტის უფროსის მოვალეობის შემსრულებლის (კონკურსამდე) მალხაზი ურთქმელიძის

მოხსენებითი ბარათი

ბატონო ნიკა,


როგორც მოგეხსენებათ, ბრალდებულთა და მსჯავრდებულთა ეკვივალენტური სამედიცინო მომსახურების მიზნით, სპეციალური პენიტენციური სამსახური უზრუნველყოფს ხელშეკრულებების გაფორმებას სამოქალაქო სექტორის სამედიცინო დაწესებულებებთან. მათ შორის არის შპს "დენტალ სთარი", რომელთანაც ბრალდებულ/მსჯავრდებულთა ორთოპედ-სტომატოლოგიური და ორთოპედ-სტომატოლოგიური ლაბორატორიული მომსახურების მიზნით 2022წ. 4 იანვარს გაფორმებული 01/06 ხელშეკრულების საერთო თანხა 40 000 (ორმოცი ათასი) ლარი იწურება. იმის გათვალისწინებით, რომ ამ ეტაპზე ბრალდებულ/მსჯავრდებულები მკურნალობის კურსს გადიან აღნიშნულ სამედიცინო დაწესებულებაში, შემდგომი თანამშრომლობის მიზნით, აუცილებელია ახალი ხელშეკრულების გაფორმება.

გთხოვთ, დაავალოთ შესაბამის სამსახურს 2022 წლის 20 აპრილიდან უზრუნველყოს შპს „დენტალ სთართან“, ორთოპედ-სტომატოლოგიური და ორთოპედ-სტომატოლოგიური ლაბორატორიული მომსახურების მიზნით, ხელშეკრულების გაფორმება 60 000 (სამოცი ათასი) ლარის ოდენობით, რომელიც მოიცავს მომსახურების განვევის პერიოდს 2022 წლის დეკემბრის თვის ჩათვლით.

პრეისკურანტი მიბმული ფაილის სახით.

პატივისცემით,

სამედიცინო დეპარტამენტის უფროსის მოვალეობის შემსრულებელი

ხელმოწერილია/ შტამბდასმულია ელექტრონულად 

მალხაზი ურთქმელიძე



საქართველოს მთავრობის ბ ა ნ კ ა რ ბ უ ლ ე ბ ა

N 2223 2021 წლის 14 დეკემბერი ქ. თბილისი

საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულების – სპეციალური პენიტენციური სამსახურის მიერ ბრალდებულებისა და მსჯავრდებულებისათვის, ასევე თავისუფლების აღკვეთის დაწესებულებაში მყოფი ქალი მსჯავრდებულების 3 (სამ) წლამდე ასაკის ბავშვებისათვის ეკვივალენტური სამედიცინო მომსახურების სახელმწიფო შესყიდვის გამარტივებული შესყიდვის საშუალებით განხორციელების შესახებ

„სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტის შესაბამისად, სპეციალურმა პენიტენციურმა სამსახურმა, „საქართველოს 2022 წლის სახელმწიფო ბიუჯეტის შესახებ“ საქართველოს კანონით გათვალისწინებული პროგრამისათვის – „ბრალდებულთა და მსჯავრდებულთა ეკვივალენტური სამედიცინო მომსახურებით უზრუნველყოფა“ – გამოყოფილ ასიგნებათა ფარგლებში (პროგრამული კოდი – 26 02 02), სტაციონარული და ამბულატორიული ტიპის

სამედიცინო მომსახურების სახელმწიფო შესყიდვა განახორციელოს გამარტივებული შესყიდვის საშუალებით, 5 500 000 (ხუთი მილიონ ხუთასი ათასი) ლარის ზღვრული ოდენობის ფარგლებში.

პრემიერ-მინისტრი



ირაკლი ღარიბაშვილი